

اعرابینک بری خلیفه عبدالملک : «الله مطفقر حقنده نه سولپور ایشته دکی ؟ ، دیمش . دیمک ایشته مش که ترازوی ، اولچوی براز اکسیک طوتانلره قارش قیاب حق او قدر الیم برعاقبت حاضر لارسه .. یاسن که قوتکه ، جبروتکه دایانه رق خلقک مالی ، ملککی اولچوسز ، حسابسز اولمق شرطیله بوغازیکه کچیریورسین .. عجبا فردای محشرده حالک نه اوله جق ؟ وای اصل سنک باشکه !

محمد عاکف

فَقْرٌ وَفَتْاوی

فقہ و عبادات اسلامیہ تاریخچہ :

حج و کعبہ

۲

زمان کچدکجه ، عهد خلیل اوزاقلاشدقجه دین ابراهیم واسماعیلک دخی عربلر و عرب مستعربه اوزرنده اولان قوت و نفوذی یاواش یاواش اکسیلیوردی . فکر توحید و اعتقاد صحیح ، قلوب عربیه سیل خروشان کی آققده اولان وثن پرستلک حس و آرزوسنی تعدیل ایدمه یوردی . کیت کیده اویله اولدی که شرک ، ضلالت بوتون جزیره العربی استیلا ایتدی . اوتده بروده پک آز کیمسه لر حضرت الله ایمان ایدیورلردی . مع مافیه دین ابراهیمک بعض ارکان و آدابی کرک عربلرک احوال روحیه لرینه ، کرک اوزمانک دوشونجه و منفعتلرینه موافق کلدیکندن حالا معمول بها بولنیور ، اسکی قدسیتلرینی محافظه ایدیورلردی . ختان ، غسل ، مضمضه ، استنشاق ، صوم .. کی آداب و عباداته رعایت اولندیگی کی زیارت کعبه ، حج و عمره دخی کماکان باقی ایدی .

هرسنه حج موسمنده اطراف و اکنافدن برچوق کیمسه لر حج نیثیله احرامه کیره رک مکیه کلیر ، کعبه معظمه یی یدی دفعه طواف ، صنعایله مروه آراسنده سعی ایلر ، اهل حرم ایله برابر عرفات و مزدلفه وقفه سنی اجرادن سوکرا منایه کله رک اوچ یرده رمی جمرات ایدرلردی .

احرامه تلایه ایله داخل اوله رق اینیشلرده ، یوقوشلرده ... اهلل ایدر ، فقط قریش ، کنانه قبیله لری « لیک اللهم لاشریک لک الا شریک هولاک تملکه و ما ملک » دیه تلایه ایدره رک نفی شریک ایله توحید باری یه قائل اولدقدن سوکرا همان بلاستنا پتلیرینه دخی بر نوع موقع معبودیت و شریکیت ویریورلردی .

رمی جمراتی متعاقب مناده قربان کسه رک خلق تقصیرایله احرامدن چیقورلردی . موسم حجک غیری آیلرده عمره ایتک دخی بین العرب بویوک بر عبادت صاییلیوردی . فقط عمره نک حجه نسبتاً موقعی دون

اولدیغندن هر حالده موسم حجه ادا ایدیله مه مسی اقتضا ایدیوردی . محرم علامت احرام اولمق اوزره بویوننه یوکن بر قلاده طاقاردی ، که بو صورتله حلالک دوچار اولمسی ملحوظ اولان سو معامله لردن ، هر درلو تعرضلردن مصون اولوردی . اکال حج ایدنجه حرم شریف آغاچلری قابوغندن ، یاخود اوراده بتن اوتلردن بر قلاده یاپه رق کندیسنک بویوننه تعلیق ایلردی ، که بوده اوزاتک ، حجنی اکال ایدن بختیار و بناء علیه محترم بر کیمسه بولندیغنه دلالت ایدردی . حجاجک کرک علامت احرام ، کرک علامت اکال اولمق اوزره قلاده طاقمه لر شپه سز دور خلیلدن قالمه بر حال دکل ، بلکه اهل جاهلیتک کندیلمی طرفندن ایدنیلمش بر عادت ایدی . بو عادتک بر بدعت اولدیغنده شپه اولماغله برابر تاریخجه هانکی زمانده ، کیملر طرفندن وضع ایدلمش اولدیگی آکلاشیله مه یور . اوله بیلیرکه پت پرستلک کی بوده خارجدن سرایت ایتشدر . ذاتاً عهد خلیل اوزاقلاشدقجه یواش یواش پت پرستلک ، سوکرا عرب جاهله نک احوال روحیه سنه ترجان اوله بیلجک بر چوق عرف و عادتلر احداث اولندیگی کی باب حجه دخی بر چوق غندی بدعتلر اختراع ایدیلش ایدی . قرشیلر کعبه و مکه نک ولایت و اداره سنی اللرینه کچیردیکدن سوکرا ابا عن جد توارث طریقله انتقال ایدن ، فقط اظهاری ایچون هنوز بر زمین مساعد بولنه میان شرافت و اصالت دعواسنی بین العرب ایلری سورمه ک باشلامشدری ؛ اوزرندن عصرلر کچدکدن سوکرا حضرت خلیلک احفادنن بولندقلرینی خاطرله یور ، بوکا استناد ایدره رک کندیلمی نک بوتون عربلره قارش اولان تفوق و رجحانلرینی ادعا ایدیور و بو ادعالرینی حقیقتاً بوتون قبائل عربیه دکله تیورلردی . کعبه و حرم شریف اوزرنده اولان ولایتلری ده دعوالرینی ترویجه یاردم ایدیوردی . ایشته سوکرالری بوتون بونلری بهانه اتخا ایدره رک عرفات وقفه سنی ترک ایتکه باشلامشدری . کندیلمی اهل حرم ، سکان مکه ، ابراهیم و اسماعیل (علیهما السلام) احفادنن ایکن خارج حرمد بولنان عرفاته کیتلمی کویا سائر عربلره کوره حرم شریف و منسوبیتک استخفافی موجب اوله جقدی . کویا سائر قبائل قرشیلری خارج حرمه چیقه رق عرفات وقفه سنده بولنه لرندن طولای فضیلت و شرافتجه کندیلمی نه مساوی عد ایدره جکلردی . بو حالده اهل حرم اوله لرینک بر فائده سی قالمه یوردی . منسوبیتنه حرمت مخصوصه و امتیاز تأمین ایدمه مسندن احتمالکه حرمک ، کعبه نک خارج حرمد اولان عربلرجه نظر اعتباردن دوشمه سی لازم کله جکدی . بالطبع بو ایسه ایشلرینه کله یوردی . آنکچون قریشک سیاستجه بیکلرجه سندن بری دوام ایدن عرفات وقفه سی کندیلمی نه مخصوص اولمق اوزره ترک ایدلمشدری . ده ها سوکرالری بنی کنانه ، بنی خزاعه ، بنی عامر دخی قرشیلره اتباع ایتلمشدری ؛ فقط سائر قبائل عرب اسکیمی کی هرسنه عرفات وقفه سنده حاضر بولنیورلردی .